



Inâkonigewin 2005 Kâwin Sagaswâniwanzinôn Ontario-ng Inâkonigewin Ke-dôdâgemagak: Edâwedjig

Netamisingin

- Inâkonigewin Kâ'n Sagaswâniwanzinôn Ontario-ng kada-mashkawazîchigâde 31, Wâbigon Kîzis 2006.
- Inâkonigewin inazinâde kibahigâdeg sagaswewin ondemitâwigamigokâg ashidj ked-iji-mânenâniwang Ontario-ng. Mî iye kidji-wîdokawenimindwâ ega segaswâdjig chega opanâdamowâdj kodag âwiweg obatem.
- Nônginâ adâwewininî mishish atôdj owâbandahiwân ashidj odibâdjimozinahiganan
- Mashkawâchigade nônginiwewin weshkinîgidjig adâmindwâ nasemân

Nônginigâde Wâbandahiwâniwang Pîmibaginiganag ashidj Kodagan Nasemâkadjigâdegin

- Nesemâwang ogidj-atâsowin wâbandahiwânwan kada-akonigâde.
- Kâshpinadjigedjig kâ'n oga-dânginâsiwâwân pîmibaginiganan konima kodagan kegon nesemâwangin kidji-bwamashe kîshpinadôwâdj.
- Apîch 31, Wâbigon Kîzis, 2006 agôdjing nanâj ako 31, Wâbigon Kîzis, 2008 pepejig kashkapiwowâdj mishish kada-abeg. Kâ'n âjaye mizwe mânewâdj ningo-gashkapidjiganing.
- Apîch 31, Wâbigon Kîzis, 2008 kâwin nesemâwangin kada-wâbandahiwâniwanzinôn.

Nônginigâde Tibâdjimozinâzodj Pîmibaginiganag ashidj Kodagan Nesemâkadjigâdegin

- Ânidog ked-inayigadigwen tibâdjimozinahigan kâwin inenindâgosinôn kidji-wîmindj eniyagizidj nasemâ. Nânind ke-nônginigâdegin wâbandahiwân:
- Keshâwâdj ejichigâdegin atâsowin'n kâ-gîshkâgin ishkwâyâng (“âsimâtig kâ-ishkode-bîwâbikônswang” mônjag kî-ijinikâdjigâden inen)
- Kâ-wâskonegin atâsowin kidji-ayâdj
- Kidji-inânjenig eniyagak
- Nisin kâ-agwîtôsingin
- Tibâdjimozinahigan ekidomagak adâwâniwidj nasema ashidj nesemâwangin ashidj epîtenindâgozidj ashidj epîtenindâgwak kidji-gikenindamônâdj kâpinadjigenindjin eta pagidinamawa edâwedj kidji-agôdôdj. Ashidj tash:
- Enigokwâg tibâdjimozinahigan kâwin awashamej 968 centimeters
- Tibâdjimôzinahiganan mâmakâdj ke-makadewobîhigâdeg weyâbâg eshkwemagông.
- Kâwin ojibîhigewin kada-inigokwâsinôn agwadjîn ombâkoniganing kidji-nâgok.

- Kâwin awashamej niswe tibâdjimozinahiganan adâwewininî ogad-agôdôsînan nesemâwangin wâ-adâwedjin konima kaye âbadjitônân wâ-adâwedjin.
- Kâwin tibâdjimozinahiganan kada-inazinâdesinôn eniyagizidj onasemâman konima kaye eniyagak odâbadjitôwinan edâwedjin.

Endawenindâgokin Tibâdjimozinahiganan

Tibâdjimozinâzowinag ondje Nesemâkedjig ashidj Edâwedjig ega Ogimâ-gîjîkâzowin Kâjîkangik

Kâwin Sagaswenâniwanzinôn tibâdjimozinahiganan kada-agôdjigâden endaji-bîndigenâniwang, ijâwinikâng ashidj kodagan abinâsan kidji-gikenindâgok ega sagaswâniwanzinog.

Kakina edâwedjig nasemkâdjiganan mâmakâdj ked-agôdôwâdj tibâdjimozinahiganan ked-iji-wabandang kâshpinadjigedj maya endaji-ayâdjigenâniwang kidji-mazinâdeg:

0. Kidji-agôdeg *Ogimâ-eshkwemag*

0. Tibâdjimozinahiganan *Ke-daso-bibônezidj ashidj Ayângwâzomâwin Ke-dôdâgodj*

Kîshpin wî-nanda-gikenindjigen ândî ke-ondinamamban tibâdjimozinahiganan, kanôj nâgânîkandangik mino-bimâdiziwin.

Oditisatwâwin Adâwewininî

Teji-daso-bibôneziwin

Kidji-bwamashe adâmâdj âwiyen inâbaminâgozinidj nônd tash kaye 25 taso- bibônezinidj, adâwewininî mâmakâdj ke-gagwededj kânônsan kîshpin kinage ‘godj 19 taso-bibônezinidj. ‘Indaje kânônsing mâmakâdj mazinâzowin ked-agokîdj kidji-ashidizinâdeg apich kâ-nîgidj, ashidj mâmakâdj ogimânâng ke-onzikâg. Nâsâb igodj awasonôn:

0. Ontario-ng pimibidjige-gânôns

0. Canada-ng wenzikâdj kânôns kidji-babâmadizidj tinakîwinikâng

0. Canada-ng iji-dibenindâgozidj

0. Canada-ng shimâganishî-gânôns kâ-inôziwinikâzodj

Kâ'n inenindâgozisî adâwewininî kidji-gagwededj mino-bimâdiziwin kânôn, anishâ tash tâ-odâpinâ kîshpin inôzowin mazinâdeg ashidj tibishkamowin.

Madji-ijiwebiziwin

Kego epîtenindâgok inâkonigewining wajibîhigâdeg mî iye madji-ijiwebiziwin. Ekidômagak tash ‘o teben-indjigedjig wînawa odayânâwâ kidji-gijigâbandamawâdj odayindiwiniwâ ashidj odanôndâgaganan odayindiwininin. Tebenindang kîshpin pôkohang enindâgozidj kidji-nôsinehang, kîshpin nîjin ayindidj kego nasaw nâno-bibôn mâmakâdj kego ked-inâkoniginiwidj.

Mashkawizîchigâdeg

Wâkâhî Mino-bimâdiziwin kejjigâbandangik odayânâwâ kidji-mashkawizîtôwâdj inâkonigewin.

Nanegâdjîwewin

Mânewayagadôn ked-iji-nanegâdjîyîndipan adâwewininî mezinâdeg 'ondaje inâkonigewining. Kagânzomâg adâwewininîwag kidji-wî-gikenindamiwâdj ondje wînawa ejigâbiwîwâdj ashidj ked-ayîndiwâpan kîshpin madji-ijiwebizîwâdj.

Kîshkahigâdig Adâwewin, Sagakinigewin ashidj Nakodamowin Ijiwidjigâdeg Nesemâwangin

Kîshpin adâwewininî mikâganiwidj kego kî-ijiwebizidj nîjin konima kaye awashamej kî-bôkahang mezinâdeg keshâwâdj enazinâdeg Kâwin Sagaswenâniwanzinôn Ontario-ng Inâkonigewining konima kaye ega kâ-ogimâkâzidjig Tobacco Tax Act kân kada-inenindâgozisî kidji-adâwedj, ijiwidamâgedj pîmibaginiganan. Mî iye ekidonâniwang teshigodj owanitôn odadâwewin. Iye tash nanegâdjîyîndj ningodâso-gîzis ako ningo-bibôn minigik igodj kâ-madji-ijiwebizidj kada-iji-nôsinehigâdeni kidji-wanitôpan odadâwewin.

Kîjîkâzowin

Ogog kâ-mâmawozinâzidjig pejig ondemitâwin odâ-ayânâwâ kîjîkâzowin \$10,000 netamizinâdeg ashidj tash \$150,000 ked-ako-nising konima kaye awashamej. Âwiweg pemâdizidj tash odâ-ayân kîjîkâzowin \$4,000 netamizinâdeg ashidj \$150,000 konima kaye awashamej ked-ako-nising.

Awaso tibâdjimozinahigan tidâtîbî-nandwânîkewin eta kada-inâbadad. Kîspin kîyâbadj wî-nanda-gikenindjigen, enâbigis kanôj mino-bimâdiziwin kejjigâbandangik.

Konima kaye 'ondaje madwesidjiganing kidâ-ondinân wî-nanda-gikenindaman kego:

- **INFOLINE** 1-866-396-1760
- **TTY** 1-800-387-5559

Taso-dibahiganeg ke-jesing: Metisonî-gîjjigak ako Chîbayâtigo-gîjjigak, 8:30 kigijeb ako 5:00 onâgoshig.

Kîshpin kîyâbadj wî-nanda-gikenindaman Inâkonigewin Kâwin Sagaswâniwanzinôn Ontario-ng, enâbigis andonan Ontario of Health Promotion mizimizide-nanda-gikenindjigewining:

www.mhp.gov.on.ca/english/health/smoke_free/legislation.asp.

Wâbigon Kîzis 2006